

C. CORNELII TACITI

AB

EXCESSV DIVI AVGVSTI

A N N A L I V M

LIBER PRIMVS.

BREVIARIVM LIBRI.

CAP. 1. *Rei Romanae status ante Augustum.* 2.
Eius artes et via ad imperium. 3. *Varii ab Augusto
destinati successores.* 4. *Status rerum et affectus ci-
vium sub Augusto. Iudicia de successoribus.* 5. *Mor-
bus Augusti, et mors celata. Accitus ad successionem
Tiberius.* 6. *Caedes Postumi Agrippae.* 7. *Roma
prona in servitutem. Iuratum in verba novi Principis.*
Eius callida tergiversatio. 8. *Augusti testamentum
et honores eximi in funere.* 9. *De Augusto iudicia in
utramque partem.* 10. *Iudicia sequiora.* 11. *Tibe-
rius imperium subdole renuit, urgente Senatu. Ratio-
narium imperii.* 12. *Asinio iratus Tiberius,* 13. *mox
Arruntio, Haterio et Scauro.* 14. *Senatus adulatio in
Liviam, a Tiberio temperata.* 15. *Ratio comitiorum.
Ludi Augustales.* 16. *Seditio Pannonicarum legio-
num, VIII. IX. XV. Concitor Percennius.* 17. *Huius
seditiones conciones.* 18. *Furit miles, quem moderari*

TACITVS I.

A

conatur Blaesus. 19. Legatio ad Principem. 20. Recrudescit seditio. 21. Blaesus frustra obnittitur, 22. Vibuleni fallaci facinore paene oppressus. 23. Tribuni mil. pulsi. Lucilius caesus. 24. Drusus seditioni sedandae missus a Tiberio. 25. Drusus litteras Tiberii recitat. 26. Militum postulata differt. Clamor. 27. Hinc tumultus acrior. Lentuli periculum. 28. Luna defectio seditiosos terret, nec deest occasio Drusus. 29. Miles ponit ferociam. 30. Capita tumultus caesa. Legiones hibernis suis redditae. 31. Gravior oritur seditio legionum octo Germanicarum. 32. Saevitia in centuriones. Chæreæ facinus. 33. Germanicus Caesar ad legiones et Gallia properat: 34. quas ad fidem cohortatur. 35. Eae querelas promunt: pars imperium offerunt aeriter abnuenti. 36. Remedia quaesita. 37. Oblata missio et pecunia: sic paulum oppressa seditio. 38. Vexillarii turbant: quos fortiter coeret Mennius. 39. Denuo legg. I. et XX. turbant. Caesari vim, Plancō mortem intentant. 40. Germanicus, filio et uxore dimissis, 41. militi poenitentium iniicit, 42. 43. tum eum facunda oratione alloquentur. 44. Mutati poenas in se ultro posunt: noxiros ipsi puniunt. Centuriones novi suffecti. 45. In turbidos adhuc vis paratur. 46. Trepidae urbis rumores. 47. Tiberius iter simulat. 48. Germanici minae. 49. Miles suos turbatores ipse caedit. 50. Furorem expiaturi, in hostem eunt. Marsi oppressi. 51. Tanfanæ templum dirutum. Insidiae in reditu irastæ. 52. Tiberius maligne laudat Germanicum. 53. Iuliae mors et mores. Gracchus caesus. 54. Sodales Augustales instituuntur. Histrioniae turbae.

55. Proximo anno in Cattos excursus. Arminius. Segestes. 56. Catti improviso oppressi. Mattium incensum. 57. Segestem obsessum libarat Germanicus. Vxor Arminii capta. 58. Segestis oratio. Segestes cum suis benigne habitus. 59. Arminius in eum et Ro-

manos invehitur. 60. Cherusci atque populi rebellant. Bructeri fusi. 61. Monumenta clades Varianae. 62. Reliquiae illius clades tumulatae, improbante Tiberio. 63. Pugna cum Arminio. 64. Caecinam loco iniquo aggreditur Arminius intrepidum. 65. Milites consternati. Caecinae somnium infastum. Caesi paene Romani. 66. Panicus terror ut repressus. 67. Consilium Caecinae de recessu. 68. Felix eruptio Germanorum clades. 69. Agrippinae viriles curae Tiberium offendunt. 70. Legiones aestu maris cum periculo revectae. 71. Segimerus in deditonem acceptus. Exercitus damna suppleta. 72. Tiberii ficta modestia. Lex maiestatis revocata, 73. et in minimis quibusdam exercita. Delationum pestis ingruit. 74. Marcellus maiestatis postulatus. In eum ira Tiberii incautior. 75. Tiberii liberalitas. 76. Tiberis inundatio. Achaia et Macedonia levatae. Drusi munus. 77. Theatri licentia coercita. 78. Templum Augusti. Centesima. 79. An aquae Tiberi subducendae. 80. Tiberius cur praesides raro mutarit. 81. Comitiorum confusa ratio.

Haec fere biennio gesta,
SEX. POMPEIO ET SEX. APPVLEIO, COSS.
NERONE CLAUDIO DRVSO CAESARE ET
C. NORBANO, COSS.

Vrbem Romam a principio Reges habuere. Libertatem et Consulatum L. Brutus instituit. Dictatura ad tempus sumebantur: neque Decemviralis potestas ultra biennium, neque Tribunorum militum consolare ius diu valuit. Non Cinnae, non Sullae longa dominatio; et Pompeii Crassique potentia cito in Caesarem, Lepidi atque Antonii arma in Augustum cessere: qui cuncta, discordiis civilibus fessa, nomine Principis sub imperium accepit. Sed veteris populi

Rom. prospera vel adversa claris scriptoribus memorata sunt; temporibusque Augusti dicendis non defuere decora ingenia, donec gliscente adulazione deterrerentur. Tiberii Caiique et Claudii ac Neronis res, florentibus ipsis, ob metum falsae; postquam occiderant, recentibus odiis compositae sunt. Inde consilium mihi, pauca de Augusto et extrema tradere, mox Tiberii principatum et cetera; sine ira et studio, quorum caussas procul habeo.

42

II. Postquam, Bruto et Cassio caesis, nulla iam publica arma, Pompeius apud Siciliam oppressus, exutoque Lepido, interfecto Antonio, ne Julianis quidem partibus nisi Caesar dux reliquias posito *Triumvir* nomine, *Consulem* se ferens, et ad tuendam plebem *Tribunicio* iure contentum, ubi militem donis, populum annona, curtos dulcedine otii pellexit, insurgere paullatim, munia Senatus, magistratum, legum in se trahere, nullo adversante cum ferociissimi per acies aut proscriptione cecidissent, ceteri nobilium, quanto quis servitio promptior, opibus et honoribus extollerentur, ac novis ex rebus aucti tuta et praesentia, quam vetera et periculosa mallingent. Neque provinciae illum rerum statum abnuebant, suspecto Senatus populi imperio, ob certamina potentium et avaritiam magistratum; invalido legum auxilio, quae vi, ambitu postremo pecunia turbabantur.

III. Ceterum Augustus, subsidia dominationi, Claudiu[m] Marcellum, sororis filium, admodum adolescentem, Pontificatu et curuli Aedilitate; M. Agrippam, ignobilis loco, bonum militia et victoriae socium, geminatis consulatibus extulit: mox, defuncto Marcello, generum sumpsit: Tiberium Neronem et Claudium Drusum, privigos, imperatoris nominibus auxit, integrum etiam tum domo sua, nam genitos Agrippa, Caium ac Lucium, in familiam Caesarum

induxerat; nec dum posita puerili praetexta, *Principes Juventutis* appellari, destinari Consules, specie rēcusantis flagrantissime cupiverat. Ut Agrippa vita concessit, L. Cæsarem, euntem ad Hispanienses exercitus, Caium, remeantem Armenia et vulnere invalidum, mers fato propera vel novercae Liviae dolus abstulit; Drusoque pridem extincto, Nero solus e privignis erat: illuc cuncta vergere: filius, collega imperii, consors Tribuniciae potestatis adsumitur, omnisque per exercitus ostentatur; non obscuris, ut antea, matris artibus, sed palam hortatu. Nam se-nem Augustum devinxerat adeo, uti nepotem unicum, Agrippam Postumum, in insulam Planasiam proifice-ret, rudem sane bonarum artium et robore corporis stolidae ferocem, nullius tamen flagitii compertum. At hercule Germanicum, Druso ortum, octo apud Rhenum legionibus imposuit, adsciriique per adoptio-nem a Tiberio iussit; quamquam esset in domo Tibe-rii filius juvenis; sed quo pluribus munimentis insi-steret. Bellum ea tempestate nullum, nisi adversus Germanos, supererat; abolenda magis infamiae, ob amissum cum Quintilio Varo exercitum, quam cupi-dine preferendi imperii aut dignum ob praemium. Domi res tranquillae; eadem magistratum vocabu-la: iuniores post Actiacam victoriam, etiam senes plerique inter bella civium nati, quotusquisque reli-quus, qui rem publicam vidisset?

IV. Igitur verso civitatis statu, nihil usquam prisci et integri moris: omnes exuta aequalitate, iussa Principis adspectare; nulla in praesens formidine, dum Augustus aetate validus seque et domum et pacem sustentavit. Postquam projecta iam se-nectus aegro et corpore fatigabatur aderatque finis et spes novae: pauci bona libertatis incassum disse-rere: plures bellum pavescere, alii cupere: pars multo maxima imminentis dominos variis rumoribus

*Antea Maxima Genua ubi tempore referuntur
et opus incoluntur in ista Graecia sic etiam*

differebant: trucem Agrippam et ignominia accensum non aetate, neque rerum experientia, tantae molis parem: Tiberium Neronem muturum annis, spectatum bello, sed vetere atque insita Claudiæ familie superbia; multaque indicia saevitiae, quamquam prementur, erumpere. Hunc et prima ab infantia eductum in domo regnatrice: congestos iuveni consulatus, triumphos: ne quis quidem annis, quibus Rhodi, specie secessus, exsulem egerit, aliquid quam iram et simulationem et secretas libidines meditatum. Accedere matrem muliebri impotentia: serviendum feminæ, duabusque insuper adolescentibus, qui rem publicam interim premant, quandoque distrahant.

V. Haec atque talia agitantibus, gravescere valetudo Augusti: et quidam scelus uxoris suspectabant. Quippe rumor incesserat, paucos ante menses Augustum, electis consciis et comite uno, Fabio Maximo, Planasiam vectum ad visendum Agrippam: multas illic utrimque lacrimas et signa caritatis; spemque ex eo, fore ut iuvenis penatibus avi reddeatur. Quod Maximum uxori Marciae aperuisse, illam Liviae: gnarum id Caesari; neque multo post extineto Maximo, (dubitum an quaesita morte,) auditos in funere eius Marciae gemitus, semet incusantis, quod causa exitii marito fuisse. Vtunque se ea res habuit, vix dum ingressus Illyricum Tiberius, propriis matris litteris accitur: neque factis compertum est, spirantem adhuc Augustum apud urbem Nolam, an examinem repererit. acribus namque custodiosis domum et vias sepserset Livia; laetique interdum munti vulgabuntur, donec, provisis quae tempus morebat, simul excessisse Augustum et rerum potiri Neronem, fama eadem tulit.

VI. Primum facinus novi principatus fuit Postumi Agrippeæ caedes, quem ignarum inermumque, quamvis firmatus animo, centurio aegre consecit.

Lentulus, subiugatus, amicorum, nivis int. M. monsorit. r. u. r. d.

Nihil de ea re Tiberius apud Senatum disseruit: patris iussa simulabat, quibus praescripsisset Tribuno, custodiae apposito, ne cunctaretur Agrippam morte afficere, quandoque ipse supremum diem explevisset. Multa sine dubio saevaque Augustus de moribus adolescentis questus, ut exsilium eius Senatus consulto sanciretur, perfecerat: ceterum in nullius inquam sutorum necem duravit; neque mortem nepoti pro securitate privigni inlatam, credibile erat. propius vero, Tiberium ac Liviam, illum metu, hanc novercalibus odiis, suspecti et invisi iuvenis caedent festinavisse. Nuntianti centurioni, ut mos militiae, factum esse, quod imperasset: neque imperasse sese, et rationem facti reddendam apud Senatum, respondit. Quod postquam Sallustius Crispus particeps secretorum, (is ad Tribunum miserat codicilos) compedit: metuens, ne reus subderetur, iuxta periculosum, ficta seu vera proferret, monuit Liviam, ne arcana domus, ne consilia amicorum, ministeria militum rularentur: neve Tiberius vim principatus resolueret, cuncta ad Senatum vocando; eam conditionem esse imperandi, ut non aliter ratio constet, quam si uni redatur.

VII. At Romae ruere in servitium Consules, Patres, Eques: quanto quis influstrior, tanto magis falsi ac festinantes, vultuque composito, ne laeti excessu Principis, ne tristios primordiis lacrimas, gaudium, questus, adulatioines miscebant. Sex. Pompeius et Sex. Appuleius Coss, primi in verba Tiberii Caesaris iuravere: apudque eos Seius Strabo et C. Turranus, ille praetorianum cohortium praefectus, hic annonae: mox Senatus, milesque et populus. nam Tiberius cuncta per Consules incipiebat, tamquam vetere re publica et ambiguis imperandi, ne edictum quidem, quo Patres in curiam vocabat, nisi Tribunicia potestatis praescriptione posuit, sub Augusto ac-

ripe annui, sic fuit, namque omnia dei. gen. Ceris brevia, velut in
misi inter se tunc in tributis Gallis, non usq. Juliani. Augusti antiquis

ceptae. verba edicti fuere pauca et sensu permodesto: *de honoribus parentis consulturum: neque abscedere a corpore: idque unum ex publicis muneribus usurpare.* Sed, defuncto Augusto, signum praetoriis cohortibus ut imperator dederat: excubiae, arma, cetera aulae: miles in forum, miles in curiam comitabatur. litteras ad exercitus, tamquam adepto principatu, misit: *hunc incepit* nusquam cunctabundus, nisi cum in Senatu loqueretur. Caussa praecipua ex formidine, ne Germanicus, in cuius manu tot legiones, immensa sociorum auxilia, mirus apud populum favor, habere imperium quam exspectare mallet. Dabat et famae, ut vocatus electusque potius a republica videretur, quam per uxorium ambitum et senili adoptione inrepsisse. Postea cognitum est, ad introspectias etiam procerum voluntates inductam dubitationem. nam verba, vultus, in crimen detorquens, recondebat.

VIII. Nihil primo Senatus die agi passus, nisi de supremis Augusti: cuius testamentum, inlatum per Virgines Vestae, Tiberium et Liviam heredes habuit. Livia in familiam Iuliam nomenque Augustae adsu-mebatur: *in spem secundam*, nepotes prinepotesque: tertio gradu primores civitatis scripserat, plerosque invisos sibi, sed iactantia gloriaque ad posteros. Legata non ultra *civilem* modum, nisi quod populo et plebi *455800000* *inclusis* praetorianum cohortium militibus singula nummum millia, legionarii ccc, cohortibus civium Romanorum ccccc nummos viritim dedit. Tum consultatum de honoribus; ex quis maxime insignes visi: *ut porta triumphali duceretur funus, Gallo Asinius; ut legum latarum tituli, victarum ab eo gentium vocabula anteferrentur, L. Arruntius censuere.* addebat Messalla Valerius, renovandum per annos sacramentum in nomen Tiberii: interrogatus que a Tiberio, num se mandante eam sententiam

prompsisset? sponte dixisse, respondit; neque in iis,
 quae ad rem publicam pertinerent, consilio, nisi suo,
 usurum, vel cum periculo offensionis. ea sola species
 adulandi supererat. Conclamant Patres, corpus ad
 rogum humeris Senatorum ferendum. Remisit Caesar
 adroganti moderatione; populumque edicto mo-
 nuit, ne, ut quondam nimis studiis funus divi Iulii
 turbassent, ita Augustum in foro potius quam in cam-
 po Martis, sede destinata, cremari vellent. Die fune-
 ris milites velut praesidio stetere, multum irradienti-
 bus, qui ipsi viderant, quique a parentibus acceperant
 diem illum, crudeliter adhuc servitii et libertatis impro-
 spere repetitae, cum occisus dictator Caesar aliis pes-
 simum, alii pulcherrimum facinus videretur. nunc
 senectum principem, longa potentia, provisis etiam he-
 redum in rem publicam opibus, auxilio scilicet mili-
 tari tuendum, ut sepultura eius quieta foret.

IX. Multus hinc ipso de Augusto sermo, plenis
 que vanis mirantibus: quod idem dies accepti quondam
 imperii princeps et vitae supremus: quod Nolae in do-
 mo et cibiculo, in quo pater ejus Octavius, ritam fini-
 visset. numerus etiam consulatum celebravat. quo
 Valerium Corvum et C. Marium simul aequaverat:
 continua per septem et trigesima annos Tribunicia
 potestas: nomen Imperatoris semel atque vices par-
 tum: aliquaque honorum multiplicata aut nova. At apud
 prudentes vita eius varie extollebatur, arguebaturve.
 Hi, pietate erga parentem et necessitudine rei publi-
 cae, in qua nullus tunc legibus locus, ad arma civilia
 actum, quae neque parari possent, neque haberi per
 bonas artes. multa Antonio, dum imperfectores patris
 uleisceretur, multa Lepido concessisse postquam hic
 discordia senuerit, ille per libidines pessum datus sit,
 non aliud discordantis patriae remedium fuisse, quam
 ut ab uno regeretur. Non Regno iam, neque Dicta-
 tura, sed Principis nomine constitutam rem publicam:

inuenimus dum Novum iungemus

mari Oceano aut amnibus longinquis septem imperium: legiones, provincias, classes, cuncta inter se conexa: ruris apud cives, modestiam apud socios: urbem ipsam magnifico ornata: pauca admodum vi tractata, quo celeris quies esset.

X. Dicebatur contra, pietatem erga parentem et tempora rei publicae obtentum sumpta: ceterum cupidine dominandi conceitos per largitionem veteranos paratum ab adolescenti privato exercitum, corruptas Consulis regiones, simulatam Pompeianarum gratiam partium; mox ubi decreto Patrum fasces et ius Praetoris invaserit, caesis Hirtio et Pansa, tunc hostis illos, seu Pansam venenum vulneri adfusum, sui milites Hirtium, et machinator doli Caesar abstulerat,) utriusque copias occupavisse: exhortum intito Senatu consulatum, armaque, quae in Antonium accepert, contra rem publicam versa; proscriptionem civium, divisiones agrorum, ne ipsis quidem, qui cepere, laudatas. Sane Cassii et Brutorum exitus paternis inimicitii datos, (quamquam fas sit, privata odia publicis utilitatibus repultere;) sed Pompeium imagine pacis sed Lepidum specie amicitiae deceptos post Antonium Tarentino Brundisinoque foedere et nuptius sororis intellectum, subiectae adspicatis poenulas morte exstebuisse. Pacem sine dubio post haec, verum cruentam: Lollinas, Variunasque clades; imperfectos Romae Varrones, (i) Egnatiros, (ii) Iulos. (iii) Nec domesticis abstinebat. Abducta Neroni uxor; et consuli per Tiberium pontifices, an conceptio, necdum facta partu, rite numeret: Q. Tedii et Vedii Pollionis luxus: postremo Livia, gravis in rem publicam mater, gravis domui Caesarum noverca. nihil deorum honoribus relictum, cum se templis et effigie numinum per flamines et sacerdotes colli vellet. ne Tiberium quidem caritate aut rei publicae cura successorem adscitum: sed quoniam adrogantium saevitiamque eius introspexerit, comparatione deter-

rima sibi gloriam quaevisisse. Etenim Augustus, paucis ante annis, cum Tiberio Tribuniciam potestatem a Patribus rursum postularet, quamquam honora oratione, quaedam de habitu cultuque et institutis eius iecerat, quae velut excusando exprobraret.

XI. Ceterum sepultura more perfecta, templum et coelestes religiones decernuntur. Versae inde ad Tiberium preces. Et ille varie disserebat: de magnitudine imperii, sua modestia; *solam divi Augusti mentem-tantae molis capacem*; *se, in partem curarum ab illo vocatum, experiendo didicisse, quam arduum, quam subiectum fortunae regendi cuncta onus. proinde in civitate, tot inlustribus viris subnixa, non ad unum omnia deferrent: plures facilius munia rei publicae sociatis laboribus executuros.* Plus in oratione tali dignitatis quam fidei erat: Tiberioque etiam in rebus, quas non occuleret, seu natura, sive adsuetudine, suspensa semper et obscura verba: tunc vero nienti, ut sensus suos penitus abderet, in incertum et ambiguum magis implicabantur. At Patres, quibus unus metus, si intelligere viderentur, in questus, lacrimas, vota effundi; ad deos, ad effigiem Augusti, ad genua ipsius manus tendere: cum proferri libellum recitarique iussit. Opes publicae continebantur: quantum civium sociorumque in armis: quot classes, regna, provinciae, tributa, aut vectigalia, et necessitates ac largitiones. quae cuncta sua manu prescriperat Augustus: addideratque consilium coercendi intra terminos imperii, incertum metu, an per inviadim.

XII. Inter quae Senatu ad infimas obtestationes procumbente, dixit forte Tiberius, *se, ut non toti rei publicae parem, ita, quaecunque pars sibi mandatur, eius tutelam suscepturum.* Tum Asinius Gallus, Interrogo, inquit, *Caesar, quam partem rei publicae mandari tibi velis.* Perculsum improvisa interroga-

tione, paullum reticuit: dein, collecto animo, respondit: *nequaquam decorum pudori suo, legere aliquid aut evitare ex eo, cui in universum excusari mallet.* Rursum Gallus: (*etenim vultu offensionem conjectaverat*) *non idcirco interrogatum, ait, ut dividet, quae separari nequieren; sed ut sua confessione argueretur, unum esse rei publicae corpus, atque unius animo regendum.* addidit laudem de *Augusto*, Tiberiumque ipsum victoriarum suarum, quaeque in toga per tot annos egregie fecisset, admonuit. Nec ideo iram eius lenivit, pridem invisus, tamquam, ducta in matrimonium Vipsania, M. Agrippae filia, quae quondam Tiberii uxor fuerat, plus quam civilia agitaret, Pollioisque Asinii, patris, ferociam retineret.

XIII. Post quae L. Arruntius, haud multum discrepans a Galli oratione, perinde offendit: *quamquam Tiberio nulla vetus in Arruntium ira; sed divitem, promptum, artibus egregiis et pari fama publice, suspectabat.* Quippe Augustus, supremis sermonibus cum tractaret, quinam adipisci principem locum suffecturi abnuerent, aut impares vellent, vel iidem possent cuperentque: *M. Lepidum dixerat capacem, sed aspernante; Gallum Asinium avidum, et minorem; L. Arruntium non indignum, et, si casus daretur, ausurum.* De prioribus consentitur: pro Arruntio quidam Cn. Pisonem tradidere; omnesque, praeter Lepidum, variis mox criminibus, struente Tiberio, circumventi sunt. Etiam Q. Haterius et Mamerius Scaurus suspicacem animum perstrinxere: Haterius, cum dixisset, *Quousque patieris, Caesar, non adesse caput rei publicae?* Scaurus, quia dixerat, *spem esse ex eo, non inritas fore Senatus preces, quod relationi Consulum iure Tribuniciae potestatis non intercessisset.* In Haterium statim invectus est; Scaurus, cui implacabilius irascebatur, silentio tramisit, fessusque clamore omnium, expostulatione singulorum,

flexit paullatim, non ut fateretur suscipi a se imperium, sed ut negare et rogari desineret. Constat, Haterium, cum deprecandi caussa palatum introisset, ambulantisque Tiberii genua advolveretur, prope a militibus interfectum, quia Tiberius, casu an manibus eius impeditus, prociderat. neque tamen periculo talis viri mitigatus est, donec Haterius Augustam oraret, eiusque curatissimis precibus protegeretur.

XIV. Multa Patrum et in Augustam adulatio. Alii *Parentem*, alii *Matrem patriae* appellandam; plerique, ut nomini Caesaris adscriberetur *Iuliae filius* censebant. ille, *moderans* seminarum honores, dictitans, *eademque se temperantia usurum in iis, quae sibi tribuerentur*: ceterum auxius *avidia*, et muliebre fastigium in diminutionem sui accipiens, *de* nictorem quidem ei decerni passus est; aramque adoptionis et alia huiuscmodi prohibuit. At Germanico Caesari proconsulare imperium petivit: missisque legati, qui deferrent, *simul* maestitiam eius *ob excessum Augusti solarentur*. Tuo minus idem pro Druso postulareret, ea caussa, quod designatus Consul Drusus praesensque erat. Candidatos praeturae duodecim nominavit, numerum ab Augusto traditum: et, horante Senatu, ut augeret, iureiurando obstrinxit se, non excessurum.

XV. Tum primum e Campo comitia ad Patres translata sunt. nam ad eam diem, etsi potissima arbitrio principis, quaedam tamen studiis tribuum fiebant. neque populus ademptum ius questus est, nisi mani rumore; et Senatus, largitionibus ac precibus sordidis exsolutus, libens tenuit, moderante Tiberio, ne plures quam quattuor candidatos commendaret, sine repulsa et ambitu designandos. Inter quae Tribuni plebei petivere, ut proprio sumptu ederent ludos, qui de nomine Augusti, fastis additi, Augustales vocarentur. sed decreta pecunia ex aerario, utque per morte polly, sur orb zed, beantij, a in circus sc. perficiant. 2. in curiis, comitia tributa, tria genera coniunctionis, et scribata;

1. toga picta, quam gerabant imperatores, vices, urbes, intratae.
2. oratio peregrinis.

14 ANNALIVM [A. V. 767. A. C. 14.]

Circum triumphali veste uterentur: curru vehi haud permisum. mox celebratio annua ad Praetorem translata, cui inter cives et peregrinos iurisdictio evenisset.

XVI. Hicrerum urbanarum status erat, cum Pannonicas legiones seditio incessit; nullis novis causis, nisi quod mutatus princeps hacentiam turbarum, et ex civili bello spem praemiorum ostendebat. Castris aestivis tres simul legiones habebantur, praesidente Iunio Blaeso: qui, fine Augusti et initio Tiberii auditis, ob fustitium aut gaudium intermisserat solita munia. Eo principio fascivire miles, discordare, pessimi cuiusque sermonibus praebere aures, denique luxum et otium eupere, disciplinam et laborem adspernari. Erat in castris Percennius quidam dux olim theatralium operarum, dein gregarius miles, procul lingua, misericordia coetus histrionicum studio doctus. Is imperitos animos, et, quaenam post Augustum militiam conditum, ambigentes, impellere paulatim nocturnis conloquios, aut nocte in vesperam die, et, dilapsis melioribus, determinatum quenque congregare. Postremo, promptis iam et alii seditiois ministris, velut concionabundus interrogabat:

XVII. Cur paucis centurionibus, paucioribus tribunis, in modum servorum obedirent? quando ausuros exposcere remedia, nisi novum et mutantem adhuc principem precibus vel armis, adirent? satis per tot annos agnavia peccatum, quo tricena aut quadragesima stipendia senes, et plerique truncato ex vulneribus corpore tollarent. ne dimissis quidem finem esse miliziae, sed apud vexillum retentos, atque vocabulo eosdem tabulares perferre: ac si quis tot casus vita superaverit, triah adhuc diversas in terras, ubi, per nomen agrorum, uligines paludum vel inulta montium accipient. Enim vero militiam ipsam gravem, instructuosan: denis in diem assibus animam et corpus aestimari. hinc versus regis hebreas, qui apparetur salienti in Meadre. *Nunc*

stem, arma, tentoria; hinc saevitiam centurionum et
vacationes munerum redimi. at hercule verbera et vul-
nera, duram hiemem, exercitas astates, bellum utrox
aut sterilem pacem, sempiterna. nec aliud levamentum,
quam si certis sub legibus militia intretur: at singu-
los denarios merentur, sextusdecimus stipendii annus
finem adferret, ne ultra sub perillis tenerentur, sed
ab iisdem in castris praemium pecunia solveretur. An
praetorias cohortes, quae binos denarios acceperint,
quae post sedecim annos penatibus suis reddantur,
plus periculorum suscipere? non obstructari a se urba-
nas excubias: sibi fagmen apud horridas gentes e contu-
berniis hostem aspici.

XVIII. Adstrepebat vulgus, diversis in itamen-
tis: hi verberum notas, illi canthim, plurimi detrita
tegmina et nudum corpus probrantes: postremo
eo furoris veneri, ut tres regiones miscere in unam
agitaverint. depulsi aemulatio, quia suaे quisque
legioni eum honorem quaerebant, alio vertunt, at
que una tres aquilas et signa cohortium locant: simul
congerunt cespites, exstruunt tribunal, quo magis
conspicua sedes foret. Properantibus Blaesus ad-
venit, increpabatque ac retinebat singulos, clamitans:
Mea potius caede imbuire manus, levore flagitio teg-
atum interficietis, quam ab imperatore desciscitis, aut
incolumis fidem legionum retinebo, aut iugulatus poe-
nitentiam adcelerabo.

XIX. Aggerebatur nihilominus cespes, iamque
pectoris usque adereverat, cum tandem pervicacia vi-
cti incoepum omisere. Blaesus multa dicendi arte,
1. Non per seditionem et turbas desideria militum ad Cue-
sarem ferenda, ait: neque veteres ab imperatoribus
priscis, neque ipsos a divo, Augusto, tan nova petivis-
se? et parum in tempore incipientes principis curas
onerari. Si tamen tenderent in pace tentare, quae ne
civilium quidem bellorum victores expositulaverint;

Denarius tam tempore isto accessus valebat. 2. nou locu
narratio quae de descriptio prohibetur quae de causa Part. his
tempore. fuit in aliis deinceps ipso et missis in his regi-

cur contra morem obsequii, contra fas disciplinae, vim
meditentur? decernerent legatos, seque coram manda-
ta darent. Adclamavere, ut filius Blaesii tribunus lega-
tus ^{etiam} ea fungeretur, ppteretque militibus missionem ab
sedecim annis: cetera maudaturos, ubi prima provenis-
sent. Profecto iuvene, modicum otium: sed super-
bire miles, quod filius legati orator publicae causae
satis ostenderet, necessitate expressa, quae per
modestiam nou obtinuissent.

Infrapon

XX. Interea manipuli, ante coepitam seditionem
Nauportum missi ob itineria et pontes et alios usus,
postquam turbatum in castris accepere, vexilla coh-
vellunt; directisque proximis vicis, ipsoque Naupor-
to, quod municipi instar erat, retinentis centuriones
inrisu et contumeliis, postremo verberibus insectan-
tur: praecipua in Aufidienum Rufum praefectum ca-
strorum, ira, quem dereum vehiculo, sarcinis gra-
vant, aguntque primo in agmine, per ludibrium rogi-
tantes: *an tam immensa onera, tam longa itinera liben-*
ter ferret? Quippe Rufus diu manipularis, dein centu-
rio, mox castris praefectus, antiquam duramque mili-
tiam revocabat, vetus operis ac laboris, et eo immi-
tor, quia toleraverat.

LXXXVII

XXI. Horum adventu redintegratur sedatio, et
vagi circumiecta populabantur. Blaesus paucos, ma-
xime praeda onustos, ad terrorem ceterorum adfici
verberibus, claudi carcere iubet. nam etiam tum le-
gato a centurionibus et optimo quoque manipularium
parebatur. Illi obniti fralentibus, prensare circum-
stantium genua, ciere modo nomina singulorum, mo-
do centuriam quisque, cuius manipularis erat, cohortem,
legionem, *eadem omnibus inmtnere*, clamitan-
tes; simul probra in legatum cumulant, coelum ac
deos obstentantur; nihil reliqui faciunt, quo minus
invidiam, misericordiam, metum et iras permoverent.
Adcurritur ab universis, et, carcere effracto, solvunt
cello huius probrii, robusti, &

LIB. I.
vincula, dese-
tis sibi fami-
liae.
XX. Fl
et Vibolenus
Blaesi adleva-
tates, et qui
civitatem
hastis: sed q
reddi? quem
de communib
gladiatores s
armat. Re
lantes quide
lerrimus dol
ri ibi: dum
stat legio[n]i
XXXIII.
manibus ve
meros sust
adolutus
eivit, ut pa
si erant, p
ali ad qua
pere, nequ
ti cruciat
uqnam fra
titio legati a
castrorum e
et centurio
tellis, vocal
ita vite in t
allian posce
Clemente P
lalibebatur
ipse inter
rum parab
TACITVS

~~adversarii agam hoc continentiam perire possit,~~
 vincula desertoresque ac rerum capitalium damna-
 tos sibi iam miscent.

XXII. Flagrantior inde vis, plures seditioni duces.
 et Vibulenus quidam, gregarius miles, ante tribunal
 Blaesii adlevatus circumstantium humeris, apud tur-
 batos, et quid ~~contulit~~ pararet, intentos: *Vos quidem*, inquit,
his innocentibus et miserrimis lucem et spiritum reddi-
distis: sed quis fratri meo vitam, quis fratrem mihi
reddit? quem, missum ad vos a Germanico exercitu
de communibus commodis, nocte proxima iugulavit per
gladiatores suos, quos in exitium militum habet atque
armat. Responde, Blaese, ubi cadaver abieceris? ne
hostes quidem sepultura invident. cum osculis, cum
lacrimis dolorem meum implevero, me quoque trucida-
ri inube; dum interfectos nullum ob scelus, sed quia uti-
litati legionum consulebamus, hi sepeliant.

XXIII. Incendebat haec fletu, et pectus atque os
 manibus verberans: mox disiectis, quorum per hu-
 meros sustinebatur, praeceps et singulorum pedibus
 advolutus, tantum consternationis invidiaeque con-
 civit, ut pars militum gladiatores, qui e servitio Blae-
 si erant, pars ceteram eiusdem familiam vincirent,
 alii ad quaerendum corpus effunderentur. ac ni pro-
 pere, neque corpus ullum reperiri, et servos, adhibi-
 tis cruciatibus, abnuere caedem, neque illi fuisse
 unquam fratrem, pernotuisset, haud multum ab ex-
 itio legati aberant. Tribunos tamen ac praefectum
 castrorum extrusere: sarcinae fugientium direptae:
 et centurio Lucilius interficitur, cui, militaribus fa-
 cetiis, vocabulum *Cedo alteram* indiderant; quia, fra-
 cta vite in tergo militis, alteram clara voce ac rursus
 aliam poscebat, ceteros latebrae texere, uno retento
 Clemente Iulio, qui preferendis militum mandatis
 habebatur idoneus ob promptum ingenium. Quin
 ipsae inter se legiones octava et quintadecuma fer-
 rum parabant: dum centurionem, cognomento Sirpi-

TACITVS I.

B

cum, illa morti depositit, quintadecumani tuentur; ni miles nonanus preces et, adversum aspernantis, minas interiecerisset.

XXIV. Haec audita quamquam abstrusum et tristissima quaeque maxime occultantem Tiberium per pulere, ut Drusum filium cum primoribus civitatis duabusque praetoriis cohortibus mitteret, nullis satis certis mandatis; ex re consulturum. et cohortes delecto milite supra solitum firmatae. additur magna pars praetoriani equitis et robora Germanorum, qui tum custodes imperatori aderant: simul praetorii praefectus, Aelius Scianus, collega Straboni, patri suo, datus, magna apud Tiberium auctoritate, rector iuveni, et ceteris periculorum praemiorumque ostentator. Druso propinquanti, quasi per officium, obviae fuere legiones, non laetae, ut adsolet, neque insignibus fulgentes, sed inlувie deformi, et vultu, quamquam maestitiam imitarentur, contumaciae propiores.

XXV. Postquam vallum introit, portas stationibus firmant: globos armatorum certis castrorum locis operiri iubent: ceteri tribunal ingenti agmine circumveniunt. Stabat Drusus, silentum manu poscens. illi, quotiens oculos ad multitudinem retulerant, vocibus truculentis strepere; rursum, viso Caesare, trepidare: murmur incertum: atrox clamor, et repente quies: diversis animorum motibus, pavebant terrebantque. Tandem, interrupto tumultu, litteras patris recitat, in quis perscriptum erat: *Praecipuan ipsi fortissimarum legionum curam, quibuscum plurima bella toleravisset: ubi primum a luctu requiesset animus, acturum apud Patres de postulatis eorum: misisse interim filium, ut sine cunctatione concederet, quae statim tribui possent: cetera Senatui servanda, quem neque gratiae neque severitatis expertem haberi par esset.*

XXVI. Responsum est a concione, *mandata Clementi centurioni, quae perferret.* Is orditur de missione a sedecim annis: *de praemissis finitiae militiae: ut denarius diurnum stipendum foret; ne veterani sub vexillo haberentur.* Ad ea Drusus cum arbitrium Senatus et patris obtenderet, clamore turbatur: *Cur venisset, neque auctendis militum stipendiis, neque ad levandis laboribus, denique nulla beneficiandi licentia? at hercule verbera et necem cunctis permitti.* Tiburium olim nomine Augusti desideria legionum frustrari solitum: *easdem artes Drusum retulisse.* numquamne nisi ad se filios familiarum venturos? novum id plane, quod imperator sola militis commoda ad Senatum reiiciat. eundem ergo Senatum consulendum, quotiens supplicia aut proelia indicantur. *an praemia sub dominis, poenas sine arbitro esse?*

XXVII. Postremo deserunt tribunal; ut quis praetorianorum militum amicorumve Caesaris occurreret, manus intentantes, caussam discordiae et initium armorum: maxime infensi Cn. Lentulo, quod is, ante alios aetate et gloria belli, firmare Drusum credebatur, et illa militiae flagitia primus adsperrnari. Nec multo post, digredientem cum Caesare, ac, provisu periculi, hiberna castra repetentem, circumsistunt, rogitantes, *quo pergeret? ad imperatorem an ad Patres? ut illic quoque commodis legionum adversaretur?* Simil ingruunt, saxa iaciunt. iamque lapidis ictu cruentus, et exitii certus, adcursu multitudinis, quae cum Druso advenerat, protectus est.

XXVIII. Noctem minacem et in scelus erupturam fors lenivit: nam luna claro repente coelo visa langescere. Id miles, rationis ignarus, omen praesentium accepit, ac suis laboribus defectionem sideris adsimulans, *prospereque cessura, quae pergerent, si fulgor et claritudo deae redderetur.* Igitur aeris sono, tubarum cornuumque concentu strepere: pro-

ut splendidior obscuriorve, laetari aut maeerere; et postquam ortae nubes offecere visui, creditumque conditam tenebris, ut sunt mobiles ad superstitionem percuscae semel mentes, *sibi aeternum laborem portendi, sua facinora aversari deos,* lamentantur. Utendum inclinatione ea Caesar, et, quae casus obtulerat, in sapientiam vertenda ratus, circumiri tentoria iubet. Accitur centurio Clemens, et si qui alii bonis artibus grati in vulgus: hi vigiliis, stationibus, custodiis portarum se inserunt, spem offerunt, metum intendunt. *Quousque filium Imperatoris obsidebimus? quis certaminum finis?* Percennione et Vibuleno sacramentum dicturi sumus? Percennius et Vibulenus stipendia militibus, agros emeritis largientur? denique, pro Neronibus et Drusis, imperium populi Rom. capessent? quin potius, ut novissimi in culpam, ita primi ad poenitentiam sumus! Tarda sunt, quae in commune expostulantur: privatam gratiam statim mereare, statim recipias. Commotis per haec mentibus, et inter se suspectis, tironem a veterano, legionem a legione dissociant. Tum redire paullatim amor obsequi: omittunt portas; signa, unum in locum principio seditionis congregata, suas in sedes referunt.

XXIX. Drusus, orto die et vocata concione, quamquam rudis dicendi, nobilitate ingenita, incusat priora, probat praesentia: negat se terrore et minis vinci: flexos ad modestiam si videat, si supplices audiat, scripturum patri, ut placatus legionum preces exciperet. orantibus, rursum idem Blaeus, et L. Apronius, eques Romanus e cohorte Drusi, Iustusque Catonius, primi ordinis centurio, ad Tiberium mittuntur. Certatum inde sententiis, cum alii, opperierdos legatos atque interim comitate permulcendum militem, censem: alii, fortioribus remediis agendum: nihil in vulgo modicum: terrere, ni pareant: ubi pertimuerint,

impune contemni: dum superstitione urgeat, adiiciendos ex duce metus, sublatis seditionis auctoribus. Promptum ad asperiora ingenium Druso erat: vocatos Vibulenum et Percennium interfici iubet. Tradunt plerique, intra tabernaculum ducis obrutus: alii, corpora extra vallum abiecta ostentui.

XXX. Tum, ut quisque praecipuuſ turbator, conquisiti: et pars, extra castra palantes, a centurionibus aut praetoriarum cohortium militibus caesi: quosdam ipsi manipuli, documentum fidei, tradidere. Auxerat militum curas praematura hiems, imbribus continuis, adeoque saevis, ut non egredi tentoria, congregari inter se, vix tutari signa possent, quae turbine atque unda raptabantur. durabat et formido coelestis irae, nec frustra adversus impios hescere sidera, ruere tempestates: non aliud malorum levamentum, quam, si linquerent castra infausta temerataque, et soluti piacula, suis quisque hibernis redderentur. prinaum octava, dein quintadecuma legio rediere. Nonanus, opperiendas Tiberii epistolas, clamitaverat, mox desolatus aliorum discessione imminentem necessitatem sponte praevenit. et Drusus, non exspectato legatorum regressu, quia praesentia satis consederant, in urbem rediit.

XXXI. Iisdem ferme diebus, iisdem caussis Germaniae legiones turbatae, quanto plures, tanto violentius: et magna spe, fore ut Germanicus Caesar imperium alterius pati nequiret, daretque se legionibus, vi sua cuncta tracturis. Duo apud ripam Rheni exercitus erant: cui nomen superiori, sub C. Silio legato; inferiorem A. Caecina curabat. regimen summae rei penes Germanicum, agendo Galliarum censui tum intentum. Sed quibus Silius moderatur, mente ambigua fortunam seditionis alienae speculabantur: inferioris exercitus miles in rabiem prolapsus est, orto ab unaetvicesimannis quintanisque

initio, et tractis prima quoque ac vicesima legionibus; nam iisdem aestivis in finibus Vbiorum habebantur per otium aut levia munia. Igitur, auditio fine Augusti, vernacula multitudo, nuper acto in urbe delectu, lasciviae sueta, laborum intolerans, impellere ceterorum rudes animos: *venisse tempus, quo veterani maturam missionem, iuvenes largiora stipendia, cuncti modum misericarum exposcerent, saevitiamque centurionum ulciscerentur.* Non unus haec, ut Pannonicas inter legiones Percennius, nec apud trepidas militum aures, alios validiores exercitus respiciunt, sed multa seditionis ora vocesque: *sua in manu sitam rem Romanam; suis victoriis augeri rem publicam; in suum cognomentum adscisci Imperatores.*

XXXII. Nec legatus obviam ibat: quippe plurium recordia constantiam exemerat. repente lymphati, destictis gladiis, in centuriones invadunt, (ea vetustissima militaribus odiis materies, et saeviendi principium,) prostratos verberibus mulcant, sexageni singulos, ut numerum centurionum adaequarent. Tum convulsos laniatosque et partim exanimos ante valuum aut in amnem Rhenum proiiciunt. Septimius cum perfugisset ad tribunal, pedibusque Caecinae advolveretur, eo usque flagitatus est, donec ad exitium dederetur. Cassius Chaerea, mox caede C. Caesaris memoriam apud posteros adeptus, tum adulescens et animi ferox, inter obstantes et armatos ferro viam patefecit. Non tribunus ultra, non castrorum praefectus ius obtinuit: vigilias, stationes, et si qua alia praesens usus indixerat, ipsi partiebantur. Id, militares animos altius coniectantibus, praecipuum indicium magni atque implacabilis motus, quod neque disiecti, nec paucorum instinctu, sed pariter ardescerent, pariter silerent; tanta aequalitate et constantia, ut regi crederes.

XXXIII. Interea Germanico, per Gallias, ut dixi-

mus, census accipienti, excessisse Augustum, adfertur. Neptem eius, Agrippinam, in matrimonio, pluresque ex ea liberos habebat. Ipse Druso, fratre Tiberii, genitus, Augustae nepos: sed anxius occultis in se patrui aviaeque odiis, quorum caussae aciores, quia iniquae. quippe Drusi magna apud populum Rom. memoria, credebaturque, si rerum potitus foret, libertatem redditurus: unde in Germanicum favor, et spes eadem. Nam iuveni civile ingenium, mira comitas et diversa a Tiberii sermone, vultu, adrogantibus et obscuris. Accedebant muliebres offensiones, novercalibus Liviae in Agrippinam stimulis; atque ipsa Agrippina paulo commotior, nisi quod castitate et mariti amore quamvis indomitum animum in bonum vertebat.

XXXIV. Sed Germanicus, quanto summae spei propior, tanto impensius pro Tiberio niti. Sequanos proximos et Belgarum civitates in verba eius adigit. Dehinc, auditio legionum tumultu, raptim profectus, obvias extra castra habuit, deiectis in terram oculis, velut poenitentia. Postquam vallum init, dissoni questus audiri coepere. et quidam, prensa manus eius, per speciem exosculandi, inseruerunt digitos, ut vacua dentibus ora contingere: alii curvata senio membra ostendebant. Adsistentem concionem, quia permixta videbatur, *discedere in manipulos iubet: sic melius audituros responsum: vexilla praeferriri, ut id saltem discerneret cohortes.* tarde obtemperavere. Tunc a veneratione Augusti orsus, flexit ad *victorias triumphosque Tiberii, praecipuis laudibus celebrans, quae apud Germanias illis cum legionibus pulcherrima fecisset.* Italiae inde consensem, *Galliarum fidem extollit; nil usquam turbidum, aut discors.*

XXXV. Silentio haec vel murmure modico audita sunt. Ut seditionem attigit, *ubi modestia militaris? ubi veteris disciplinae decus? quoniam tribunos, quo*

centuriones exegissent? rogitans: nudant universi corpora, cicatrices *ex vulneribus*, verberum notas exprobrant; mox indiscretis vocibus *pretia vacationum, angustias stipendii, duritiam operum*, ac propriis non-minibus incusant *vallum, fossas, pabuli, materiae, lignorum adgestus*, et si qua alia ex necessitate aut adversus otium castrorum quaeruntur. Atrocissimus veteranorum clamor oriebatur; qui tricena aut supra stipendia numerantes, mederetur fessis, *neu mortem in iisdem laboribus, sed finem tam exercitae militiae, neque inopem requiem, orabant.* fuere etiam, qui legatam a divo Augusto pecuniam reposcerent, faustis in Germanicum ominibus; et, si vellet imperium, promptos ostentavere. Tum vero, quasi scelere contaminaretur, praeceps tribunali desiluit. opposuerunt abeunti arma, minitantes, ni regrederetur. At ille, *moriturum potius, quam fidem exueret*, clamitans, ferrum a latere deripuit, elatumque deferebat in pectus, ni proximi prensam dextram vi attinuissent. extrema et congregata inter se pars concionis, ac, vix credibile dictu, quidam singuli, propius incidentes, *feriret, hortabantur: et miles, nomine Calusidius, strictum obtulit gladium, addito, acutiorum esse.* Saevum id malique moris etiam furentibus visum: ac spatium fuit, quo Caesar ab amicis in tabernaculum raperetur.

XXXVI. Consultatum ibi de remedio. etenim nuntiabatur, *parari legatos, qui superiorem exercitum ad caussam eandem traherent: destinatum excidio Vbiorum oppidum: imbutasque praeda manus in di-reptionem Galliarum erupturas.* Augebat metum gnarus Romanae seditionis, et, si omitteretur ripa, invasurus hostis; at, si auxilia et socii adversum abscedentis legiones armarentur, civile bellum suscipi: periculosa severitas; flagitiosa largitio; seu nihi! militi, sive omnia concederentur, in ancipiti res publica.

Igitur, voluntatis infer se rationibus, placitum, ut epistolae, nomine principis, scriberentur: *missionem dari vicena stipendia meritis; exauctorari, qui senadena fecissent, ac retineri sub vexillo, ceterorum immunes, nisi propulsandi hostis: legata, quae petiverant, exsolvi duplicarique.*

XXXVII. Sensit miles, in tempus conficta, statimque flagitavit. missio per tribunos maturatur: largitio differebatur in hiberna cuiusque. Non abscessere quintani unaetvicesimanique, donec iisdem in aestivis contracta ex viatico amicorum ipsiusque Caesaris pecunia persolveretur. Primam ac vicesimam legiones Caecina legatus in civitatem Vbiorum reduxit, turpi agmine, cum fisci de Imperatore rapti inter signa interque aquilas veherentur. Germanicus, superiorem ad exercitum profectus, secundam et tertianam decumam et sextam decumam legiones, nihil cunctatas, sacramento adigit. Quartadecumani paullum dubitaverunt; pecunia et missio, quamvis nou flagitantibus, oblata est.

XXXVIII. At in Chaucis coeptavere seditionem praesidium agitantes vexillarii discordium legionum, et praesenti duorum militum suppicio paullum repressi sunt. Iusserat id Mennius, castrorum praefectus, bono magis exemplo, quam concesso iure. deinde, intumescente motu, profugus repertusque, postquam intutae latebrae, praesidium ab audacia mutuatur: *non praefectum ab iis, sed Germanicum ducem, sed Tiberium Imperatorem violari.* simul exterritis, qui obstiterant, raptum vexillum ad ripam vertit, et, *si quis agmine decessisset, pro desertore fore, clamitans, reduxit in hiberna turbidos et nihil ausos.*

XXXIX. Interea legati ab Senatu, regressum iam apud aram Vbiorum Germanicum adeunt. Duae ibi legiones, prima atque vicesima, veteranique, nuper

missi sub vexillo, hiemabant. Pavidos et conscientia recordes intrat metus, venisse Patrum iusu, qui irrita facerent, quae per seditionem expresserant. utque mos vulgo, quamvis falsis reum subdere, Munatum Plancum, consulatu functum, principem legationis, auctorem Senatusconsulti incusat: et nocte concubia vexillum, in domo Germanici situm, flagitare occipiunt: concursuque ad ianuam facto, molliuntur fores; extractum cubili Caesarem, tradere vexillum, intento mortis metu subigunt. mox, vagi per vias, obvios habuere legatos, audita consternatione, ad Germanicum tendentes. ingerunt contumelias: caudem parant: Plancum maxime, quem dignitas fuga impediverat. neque aliud periclitanti subsidium, quam castra primae legionis. illuc signa et aquilam amplexus, religione sese tutabatur: ac, ni aquilifer Calpurnius vim extremam arcuisse, (rarum etiam inter hostes) legatus populi Romani, Romanis in castris, sanguine suo altaria deum commaculavisset. Luce demum, postquam dux et miles et facta noscebantur, ingressus castra Germanicus, perduci ad se Plancum imperat, recepitque in tribunal. Tum *fatalem increpans rabiem, neque militum, sed deum ira resurgere*, cur venerint legati, aperit: *ius legationis, atque ipsius Planci gravem et immeritum casum, simul, quantum dedecoris adierit legio*, facunde miseratur, attonitaque magis, quam quieta concione, legatos, praesidio auxiliarium equitum, dimittit.

XL. Eo in metu arguere Germanicum omnes, quod non ad superiorem exercitum pergeret, ubi obsequia et contra rebellis auxilium. Satis superque missione et pecunia et mollibus consultis peccatum: vel, si vilis ipsi salus, cur filium parvulum, cur gravidam coniugem, inter furentes, et omnis humani iuris violatores haberet? illos saltem avo et rei publicae redderet. Diu cunctatus, adspernantem uxorem, cum se divo

Augusto ortam, neque degenerem ad pericula testaretur, postremo uterum eius et communem filium, multo cum fletu, complexus, ut abiret, perpulit. Incedebat muliebre et miserabile agmen, profuga ducis uxor, parvulum sinu filium gerens: lamentantes circum amicorum coniuges, quae simul trahebantur; nec minus tristes, qui manebant.

XLI. Non florentis Caesaris, neque suis in castris, sed velut in urbe vieta, facies, gemitusque ac planctus, etiam militum aures oraque advertere. Progrediuntur contuberniis: quis ille flebilis sonus? *quod tam triste? feminas inlustres — non centurionem ad tutelam, non militem, nihil imperatoria uxoris, aut comitatus soliti — pergere ad Treveros, et externae fidei!* Pudor inde et miseratio, et patris Agrippae, Augusti avi, memoria: sacer Drusus; ipsa insigni fecunditate, praeclara pudicitia: iam infans in castris genitus, in contuberno legionum eductus, quem militari vocabulo *Caligulam* appellabant, quia plerumque ad concilianda vulgi studia eo tegmine pedum induebatur. Sed nihil aeque flexit, quam invidia in Treveros: orant, obsistunt, rediret, maneret, pars Agrippinae occursantes, plurimi ad Germanicum regressi. isque, ut erat recens dolore et ira, apud circumfusos ita coepit:

XLI. Non mihi uxor aut filius patre et re publica cariores sunt: sed illum quidem sua maiestas, imperium Romanum ceteri exercitus defendent. Coniugem et liberos meos, quos pro gloria vestra libens ad exitium offerrem, nunc procul a furentibus submoveo, ut, quicquid istuc sceleris imminent, meo tantum sanguine pietur; neve occisus Augusti pronepos, interfecta Tiberii nurus, nocentiores vos faciat. quid enim per hos dies inausum intemeratumve vobis? Quod non men huic coetu dabo? militesne appelle? qui filium Imperatoris vestri vallo et armis circumseditis. An

cives? quibus tam proiecta Senatus auctoritas. hostium quoque ius et sacra legationis et fas gentium rupistis. *Divus Iulius* seditionem exercitus verbo uno compescuit, Quirites vocando, qui sacramentum eius detrectabant. *Divus Augustus* vultu et adspectu Actiacas legiones exterruit: nos, ut nondum eosdem, ita ex illis ortos, si Hispaniae Syriae miles adsperraretur, tamen mirum et indignum erat. Primane et vicesima legiones, illa signis a Tiberio acceptis, tu tot proeliorum socia, tot praemius aucta, egregiam duci vestro gratiam refertis! hunc ego nuntium patri, laeta omnia aliis e provinciis audienti, feram? ipsius tirones, ipsius veteranos, non missione, non pecunia satiatos: hic tantum interfici centuriones, eiici tribunos, includi legatos: infecta sanguine castra, flumina: meque precariam animam inter infensos trahere?

XI.III. Cur enim, primo concionis die, ferrum illud, quod pectori meo infigere parabam, detraxisti? o improvidi amici! melius et amantius ille, qui gladium offerebat. cecidisset certe nondum tot flagitorum exercitui meo conscius: legissetis ducem, qui meam quidem mortem impunitam sineret, Vari tamen et trium legionum ulcisceretur. Neque enim dii sinant, ut Belgarum, quamquam offerentium, decus istud et claritudo sit, subvenisse Romano nomini, compressisse Germaniae populos! Tua, dive Auguste, caelo recepta mens, tua, pater Druse, imago, tui memoria, iisdem ipsis cum militibus, quos iam pudor et gloria intrat, eluant hanc maculam, irasque civiles in exitium hostibus vertant! Vos quoque, quorum alia nunc ora, alia pectora contineor, si legatos Senatui, obsequium Imperatori, si mihi coniugem et filium redditis, discedite a contactu, ac dividite turbidos: id stabile ad poenitentiam, id fidei vinculum erit.

XLIV. Supplices ad haec, et vera exprobrari fantes, orabant; puniret noxios, ignosceret lapsis, et

duceret in hostem: revocaretur coniux, rediret legio-
num alumnus, neve obses Galis traderetur. Reditum
Agrippinae excusavit, ob imminentem partum et hie-
mem: *venturum filium: cetera ipsi exsequerentur.*
Discurrunt mutati, et seditionissimum quemque vin-
ctos trahunt ad legatum legionis primae, C. Cetroni-
um, qui iudicium et poenas de singulis in hunc mo-
dum exercuit. Stabant pro concione legiones, de-
strictis gladiis: reus in suggestu per tribunum ostendebatur: si *nocentem* adclamaverant, praeceps datus
trucidabatur. et gaudebat caedibus miles, tamquam
semet absolveret: nec Caesar arcebat, quando, nullo
ipsius iussu, penes eosdem saevitia facti et invidia
erat. secuti exemplum veterani, haud multo post in
Rhaetiam mittuntur, specie defendendae provinciae,
ob imminentis Suevos; ceterum, ut avellerentur ca-
stris, trucibus adhuc non minus asperitate remedii
quam sceleris memoria. Centurionatum inde egit.
citatibus ab Imperatore, nomen, ordinem, patriam, nu-
merum stipendiiorum, quae strenue in proeliis fecis-
set; et cui erant dona militaria, edebat. si tribuni, si
legio industriam innocentiamque adprobaverant, re-
tinebat ordines: ubi avaritiam aut crudelitatem con-
sensu obiectavissent, solvebatur militia.

XLV. Sic compositis praesentibus, haud minor
moles supererat, ob ferociam quintae et unaetvicesi-
mae legionum, sexagesimum apud lapidem (loco *Ve-
teram* nomen est) hibernantium. nam primi seditionem
cooptaverant: atrocissimum quodque facinus horum
manibus patratum: nec poena commilitonum exter-
riti, nec poenitentia conversi, iras retinebant. Igitur
Caesar arma, classem, socios demittere Rheno parat,
si imperium detrectetur, bello certaturus.

XLVI. At Romae, nondum cognito, qui fuisse
exitus in Illyrico, et legionum Germanicarum motu
audito, trepida civitas incusare Tiberium, *quod, dum*

*Patres et plebem, invalida et inermia, cunctatione
ficta ludificetur, dissideat interim miles, neque duorum
adulescentium nondum adulta auctoritate comprimi
queat: ire ipsum et opponere maiestatem imperato-
riam debuisse, cessuris, ubi principem longa experien-
tia, eundemque severitatis et munificentiae sumnum
ridissent. An Augustum, fessa aetate, totiens in
Germanias commeare potuisse: Tiberium, vigentem
annis, sedere in Senatu, verba Patrum cavillantem?
satis prospectum urbanae servituti: militaribus ani-
mis adhibenda fomenta, ut ferre pacem velint.*

XLVII. Immotum adversus eos sermones fixum-
que Tiberio fuit, non omittere caput rerum, neque se
remque publicam in casum dare. Multa quippe et
diversa angebant: *validior per Germaniam exercitus:*
propior apud Pannionam: ille Galliarum opibus sub-
nixus, hic Italiae inimensus: quos igitur anteferret?
ac, ne postpositi contumelia incenderentur. At per
filios pariter adiri, maiestate salva; cui maior e lon-
ginquo reverentia. sinu adolescentibus excusatum,
quaedam ad patrem reiicare: resistentisque Germanico
aut Druso posse a se mitigari, vel infringi: quod aliud
subsidium, si Imperatorem sprevisserent? Ceterum, ut
iam iamque iturus, legit comites, conquisivit impedi-
menta, adornavit naves: mox hiemem, aut negotia
varie caussatus, primo prudentes, dein vulgum, diu-
tissime provincias fefellit.

XLVIII. At Germanicus, quamquam contracto
exercitu, et parata in defectores ultione, dandum ad-
huc spatium ratus, si recenti exemplo sibi ipsi consulerent,
praemittit litteras ad Caecinam, *venire se va-*
lida manu, ac, ni supplicium in malos praesumant,
usurum promiscua caede. Eas Caecina aquiliferis
signiferisque, et quod maxime castrorum sincerum
erat, occulte recitat, *utque cunctos infamiae, se ipsos*
morti eximant, hortatur. nam in pace caussas et me-

rita spectari: ubi bellum ingruat, innocentes ac noxios iuxta cadere. Illi, tentatis, quos idoneos reabantur, postquam maiorem legionum partem in officio vident, de sententia legati, statuant tempus, quo foedissimum quemque et seditioni promptum ferro invadant. Tunc, signo inter se dato, intrumpunt contubernia, trucidant ignaros: nullo, nisi consciis, noscente, quod caedis initium, quis finis.

XLIX. Diversa omnium, quae unquam accidere, civilium armorum facies. non proelio, non adversis e castris, sed iisdem e cubilibus, quos simul vescentis dies, simul quietos nox habuerat, discedunt in partes, ingerunt tela: clamor, vulnera, sanguis palam: causa in occulto: cetera fors regit: et quidam bonorum caesi, postquam, intellecto, in quos saeviretur, pessimi quoque arma rapuerant. neque legatus aut tribunus moderator adfuit: permissa vulgo licentia atque ultio et satietas. Mex ingressus castra Germanicus, non medicinam illud, plurimis cum lacrimis, sed clamem adpellans, cremari corpora iubet. Truces etiam tum animos cupidio involat eundi in hostem, piaculum furoris: nec aliter posse placari commilitonum manes, quam, si pectoribus impiis honesta vulnera accepissent. Sequitur ardorem militum Caesar, iunctoque ponte tramittit duodecim millia e legionibus, sex et viginti socias cohortes, octo equitum alas, quarum ea seditione intemerata modestia fuit.

L. Laeti, neque procul, Germani agitabant, dum iustitio, ob amissum Augustum, post discordiis attinemur. At Romanus agmine propero silvam Caesiam limitemque, a Tiberio coeptum, scindit: castra in limite locat; frontem ac tergum vallo, latera concaedibus munit. Inde saltus obscuros permeat, consultatque, ex duobus itineribus breve et solitum sequatur, an impeditus et intentatum, eoque hostibus incautum. Delecta longiore via, cetera adceleran-

tur. etenim attulerant exploratores *festam eam Germanis noctem, ac solennibus epulis ludicram.* Caecina cum expeditis cohortibus praeire, et obstantia silvarum amoliri iubetur: legiones modico intervallo sequuntur. Iuvit nox sideribus inlustris: ventumque ad vicos Marsorum, et circumdatae stationes, stratis etiam tum per cubilia, propterque mensas, nullo metu, non antepositis vigilis. adeo cuncta incuria disiecta erant: neque belli timor: ac ne pax quidem, nisi languida et soluta, inter temulentos.

LI. Caesar avidas legiones, quo latior populatio foret, quattuor in cuneos dispergit: quinquaginta milium spatium ferro flammisque pervastat: non sexus, non aetas miseracionem attulit; profana simul et sacra, et celeberrimum illis gentibus templum, quod *Tanfanæ* vocabant, solo aequantur. sine vulnere milites, qui semisomnos, inermos aut palantis cedebant. Excivit ea caedes Bructeros, Tubantes, Vspites; saltusque, per quos exercitui regressus, insedere. quod gnarum duci; incessitque itineri et proelio. pars equitum et auxiliariae cohortes ducebant: mox prima legio: et mediis impedimentis, sinistrum latus unaetvicesimani, dextrum quintani clausere: vicesima legio terga firmavit: post ceteri sociorum. Sed hostes, donec agmen per saltus porrigeretur, immoti: dein latera et frontem modice adsultantes, tota vi novissimos incurrere: turbabanturque densis Germanorum catervis leves cohortes, cum Caesar advectus ad vicesimanos, voce magna, *hoc illud tempus oblitterandæ seditionis, clamitabat: pergerent, properarent culpam in decus vertere.* Exarsere animis, unoque impetu perruptum hostem redigunt in aperata, caeduntque. simul primi agminis copiae evasere silvas, castraque communivere. Quietum inde iter: fidensque recentibus ac priorum oblitus miles in hibernis locatur.

LII. Nuntiata ea Tiberium laetitia curaque adfere: gaudebat, oppressam seditionem: sed, quod largiendis pecuniis et missione festinata favorem militum quaequivisset, bellica quoque Germanici gloria, angebatur. Retulit tamen ad Senatum de rebus gestis, multaque de virtute eius memoravit, magis in speciem verbis adornata, quam ut penitus sentire crederetur. Paucioribus Drusum et finem Illyrici motus laudavit, sed intentior, et fida oratione, cunctaque, quae Germanicus indulserat, servavit etiam apud Pannonicos exercitus.

LIII. Eodem anno Iulia supremum diem obiit, ob impudicitiam olim a patre Augusto Pandateria insula, mox oppido Rheginorum, qui Siculum fretum accolunt, clausa. Fuerat in matrimonio Tiberii, floribus Caio et Lucio, Caesaribus, spreveratque, ut imparem. nec alia tam intima Tiberio caussa, cur Rhodium abscederet: imperium adeptus, extorrem, infamem, et, post interfectum Postumum Agrippam, omnis spei egenam, inopia ac tabe longa peremit, obscuram fore necem longinquitate exsilii ratus. Par caussa saevitiae in Sempronium Gracchum, qui familia nobili, sollers ingenio et prave facundus, eandem Iuliam in matrimonio M. Agrippae temeraverat. Nec is libidini finis. traditam Tiberio pervicax adulter contumacia et odiis in maritum accendebat: litteraeque, quas Iulia patri Augusto cum insectatione Tiberii scripsit, a Gracco compositae credebantur. Igitur amotus Cercinam, Africi maris insulam, quattuordecim annis exsilium toleravit. Tunc milites, ad caudem missi, invenere in prominenti litoris, nihil laetum opparentem. quorum adventu, breve tempus petivit, ut suprema mandata uxori Alliariae per literas daret: cervicemque percussoribus obtulit, constantia mortis haud indignus Sempronio nomine; vita degeneraverat. Quidam non Roma eos milites, sed

TACITVS I.

C

ab L. Asprenate, Proconsule Africæ, missos tradidere, auctore Tiberio, qui famam caedis posse in Asprenatem verti frustra speraverat.

LIV. Idem annus novas caerimonias accepit, addito sodalium Augustalium sacerdotio: ut quondam T. Tatus retinendis Sabinorum sacris sodales Titios instituerat, sorte ducti e primoribus civitatis unus et viginti: Tiberius Drususque et Claudius et Germanicus adiiciuntur. Ludos Augustales tunc primum coepitos turbavit discordia, ex certamine histrionum. indulserat ei ludicro Augustus, dum Maecenati obtemperat, effuso in amorem Bathylli: neque ipse abhorrebat talibus studiis, et civile rebatur, miseri voluptatibus vulgi. alia Tiberio morum via: sed populum, per tot annos molliter habitum, nondum audebat ad duriora vertere.

LV. Druso Caesare, C. Norbano Coss. decernitur Germanico triumphus, manente bello; quod, quamquam in aestatem summa ope parabat, initio veris et repentina in Cattos excursu praecepit. nam spes incesserat, dissidere hostem in Arminium ac Segestem, insignem utrumque perfidia in nos aut fide. Arminius turbator Germaniae; Segestes, *parari rebellionem*, saepe alias, et supremo convivio, post quod in arma itum, aperuit: suasitque Varo, *ut se et Arminium et ceteros proceres vinciret*; nihil ausuram plebem, principibus amotis: atque ipsi tempus fore, quo criminis et innoxios discerneret. sed Varus fato et vi Arminii cecidit. Segestes, quamquam consensu gentis in bellum tractus, discors manebat, auctis privatim odiis, quod Arminius filiam eius, alii pactam, raperuerat. gener invisis, inimici socii: quaeque apud concordes vincula caritatis, incitamenta irarum apud infenos erant.

LVI. Igitur Germanicus quattuor legiones, quinque auxiliarium millia, et tumultuarias catervas Ger-

manorum, cis Rhenum colentium, Caecinae tradit: totidem legiones, duplicum sociorum numerum ipse dicit: positoque castello super vestigia paterni praesidii in monte Tauno, expeditum exercitum in Cattos rapit; L. Apronio ad munitiones viarum et fluminum relicto. nam (rarum illi caelo) siccitate et amnibus modicis, inoffensum iter properaverat; imbresque et fluminum auctus regredienti metuebantur. Sed Cattis adeo improvisus advenit, ut, quod imbecillum aetate ac sexu, statim captum aut trucidatum sit. Iuventus flumen Adranam nando tramiserat, Romanosque, pontem coeptantis, arcebant: dein tormentis sagittisque pulsi, tentatis frustra conditionibus pacis, cum quidam ad Germanicum perfugissent, reliqui, omissis pagis vicisque, in silvas disperguntur. Caesar, incenso Mattio, (id genti caput,) aperta populatus, vertit ad Rhenum: non auso hoste terga abeuntium laceссere; quod illi moris, quotiens astu magis quam per formidinem cessit. Fuerat animus Cheruscis, iuvare Cattos: sed exterruit Caecina, huc illuc ferentes arma; et Marsos, congregati ausos, prospero proelio cohibuit.

LVII. Neque multo post legati a Segeste venerunt, auxilium orantes adversus vim popularium, a quis circumsedebatur; validiore apud eos Arminio, quando bellum suadebat. Nam barbaris, quanto quis audacia promptus, tanto magis fidus, rebusque motis potior habetur. Addiderat Segestes legatis filium, nomine Segimundum: sed iuvenis conscientia cunctabatur. quippe anno, quo Germaniae descivere, sacerdos apud Aram Vbiорum creatus, ruperat vittas, profugus ad rebelles. adductus tamen in spem clementiae Romanae, pertulit patris mandata: benigneque exceptus, cum praesidio Gallicam in ripam missus est. Germanico pretium fuit, convertere agmen: pugnatumque in obsidentis, et ereptus Segestes magna

cum propinquorum et clientium manu. Inerant feminae nobiles: inter quas uxor Arminii, eademque filia Segestis, mariti magis quam parentis animo, neque victa in lacrimas, neque voce supplex, compressis intra sinum manibus, gravidum uterum intuens. Ferebantur et spolia Varianae cladis, plerisque eorum, qui tum in ditionem veniebant, praedae data.

LVIII. Simul Segestes ipse, ingens visu, et memoria bonae societatis impavidus. Verba eius in hunc modum fuere: *Non hic mihi primus erga populum Rom. fidei et constantiae dies. ex quo a divo Augusto civitate donatus sum, amicos inimicosque ex restris utilitatibus delegi: neque odio patriae, (quippe proditores etiam iis, quos anteponunt, invisi sunt,) verum quia Romanis Germanisque idem conducere, et pacem quam bellum probabam. ergo raptorem filiae meae, violatorem foederis vestri, Arminium, apud Varum, qui tum exercitui praesidebat, reum feci. dilatus segnitia ducis, quia parum praesidii in legibus erat, ut me et Arminium et conscos vinciret, flagitavi. testis illa nox, mihi utinam potius novissima! quae secuta sunt, desleri magis, quam defendi possunt. ceterum et inieci catenas Arminio, et a factione eius injectas perpessus sum. Atque ubi primum iui copia, vetera novis et quieta turbidis antehabeo: neque ob praemium, sed ut me perfidia exsolvam; simul genti Germanorum idoneus conciliator, si poenitentiam quam perniciem maluerit. Pro iuventa et errore filii veniam precor: filiam necessitate hue adductam, fateor. tuum erit consultare, utrum praevaleat, quod ex Arminio concepit, an quod ex me genita est. Caesar, clementi responso, liberis propinquisque eius incolumitatem, ipsi sedem vetere in provincia pollicetur. Exercitum reduxit, nomenque Imperatoris, auctore Tiberio, accepit. Arminii uxor virilis sexus stirpem edidit:*

educatus Ravennae puer, quo mox ludibrio conflictatus sit, in tempore memorabo.

LIX. Fama dediti benigneque excepti Segestis vulgata, ut quibusque bellum invitis aut cupientibus erat, spe vel dolore accipitur. Arminium, super insitam violentiam, rapta uxor, subiectus servitio uxoris uterus, recordem agebant: volitabatque per Cheruscos, arma in Segestem, arma in Caesarem poscens. neque probris temperabat: *Egregium patrem! magnum Imperatorem! fortē exercitū!* quorum tot manus unam mulierculam avexerint. Sibi tres legiones, totidem legatos procubuisse. Non enim se pradiione, neque adversus feminas gravidas, sed palam adversus armatos bellum tractare. cerni adhuc Germanorum in lucis signa Romana, quae diis patriis suspenderit. coleret Segestes victam ripam: redderet filio sacerdotium: hominem Germanos numquam satis excusaturos, quod inter Albim et Rhenum virgas et securas et togam viderint. aliis gentibus, ignorantia imperii Romani, inexperta esse supplicia, nescia tributa: quae quando exuerint, inritusque discesserit ille inter numina dicatus Augustus, ille electus Tiberius, ne imperitum adolescentulum, ne seditionis exercitum pavescerent. Si patriam, parentes, antiqua malling, quam dominos et colonias novas; Arminium potius, gloriae ac libertatis, quam Segestem, flagitiosae servitutis ducem, sequerentur.

LX. Concitiper haec non modo Cherusci, sed conterminae gentes; tractusque in partis Inguimerus, Arminii patruus, veteri apud Romanos auctoritate. unde maior Caesari metus. et ne bellum mole una ingrueret, Caecinam, cum quadraginta cohortibus Romanis, distrahendo hosti, per Bructeros, ad flumen Amisiam mittit. equitem Pedo praefectus finibus Frisiorum dicit. ipse impositas navibus quattuor legiones per lacus vexit: simulque pedes, eques, clas-

sis, apud praedictum amnem convenere. Chauci, cum auxilia pollicerentur, in commilitium adsciti sunt. Bructeros sua urentis expedita cum manu L. Stertinius, missu Germanici, fudit: interque caudem et praedam reperit undevicesimae legionis aquilam, cum Varo amissam. Ductum inde agmen ad ultimos Bructerorum: quantumque Amisiam et Luppiam amnes inter, vastatum, haud procul Teutoburgiensi saltu, in quo reliquiae Vari legionumque inseptulæ dicebantur.

LXI. Igitur cupidus Caesarem invadit, solvendi suprema militibus ducique; permoto ad miseracionem omni, qui aderat, exercitu, ob propinquos, amicos, denique ob casus bellorum et sortem hominum. Praemissa Caecina, ut occulta saltuum scrutaretur, pontesque et aggeres humido paludum et fallacibus campis imponeret, incedunt moestos locos, visuque ac memoria deformes. Prima Vari castra, lato ambitu, et dimensis principiis, trium legionum manus ostentabant: dein, semiruto vallo, humili fossa, accisae iam reliquiae consedisse intelligebantur: medio campi albentia ossa, ut fugerant, ut restiterant, disiecta vel aggerata. adiacebant fragmina telorum, equorumque artus, simul truncis arborum antefixa ora: lucis propinquis barbarae aerae, apud quas tribunos ac primorum ordinum centuriones mactaverant. et cladis eius superstites, pugnam aut vineyla elapsi, referebant, hic cecidisse legatos; illuc raptas aquilas; primum ubi vulnus Varo adactum; ubi infelici dextra et suo ictu mortem invenerit; quo tribunal concionatus Arminius, quot patibula captivis, quae scrobes; utque signis et aquilis per superbiam inluserit.

LXII. Igitur Romanus, qui aderat, exercitus, sextum post cladis annum, trium legionum ossa, nullo noscente, alienas reliquias an suorum humo teget, omnes, ut coniunctos, ut consanguineos, aucta-

in hostem ira, moesti simul et infensi condebant. Primum exstremo tumulo cespitem Caesar posuit, gratissimo munere in defunctos, et praesentibus doloris socius. Quod Tiberio haud probatum, seu cuneta Germanici in deterius trahenti, sive exercitum imagine caesorum insepultorumque tardatum ad proelia et formidolosiorum hostium credebat: *neque Imperatorem, auguratu et vetustissimis caerimoniis prae-ditum, attractare feralia debuisse.*

LXIII. Sed Germanicus, cedentem in avia Arminium secutus, ubi primum copia fuit, evehi equites, campumque, quem hostis insederat, eripi iubet. Arminius colligi suos et propinquare silvis monitos, vertit repente: mox signum prorumpendi dedit iis, quos per saltus occultaverat. Tunc nova acie turbatus eques: missaque subsidiariae cohortes, et fugientium agmine impulsae, auxerant consternationem: trudebanturque in paludem, gnaram vincentibus, inquam nesciis, ni Caesar productas legiones instruxisset. inde hostibus terror, fiducia militi: et manibus aequis abscessum. Mox, reducto ad Amisiam exercitu, legiones classe, ut advexerat, reportat: pars equitum litore Oceani petere Rhenum iussa: Caecina, qui suum militem ducebat, monitus, quamquam notis itineribus regredetur, Pontes longos quam maturime superare. Angustus is trames vastas inter paludes, et quondam a L. Domitio aggeratus: cetera limosa, tenacia gravi coeno, aut rivis incerta erant; circum silvae, paullatim adclives: quas tum Arminius implevit, compendiis viarum et cito agmine onustum sarcinis armisque militem cum antevenisset. Caecinae dubitanti, quonam modo ruptos vetustate pontes reponeret, simulque propulsaret hostem, castra metari in loco placuit: ut opus, et alii proelium inciperent.

LXIV. Barbari perfringere stationes, seque in-

ferre munitioribus nisi, lacessunt, circumgrediuntur, occursant: miscetur operantium bellantiumque clamor: et cuncta pariter Romanis adversa; locus uliginosus profunda, idem ad gradum instabilis, procedentibus lubricus; corpora gravia loricis: neque librare pila inter undas poterant. Contra Cheruscis sueta apud paludes proelia; procera membra; hastae ingentes ad vulnera facienda quamvis procul. nox demum inclinantis iam legiones adversae pugnae exemit. Germani, ob prospera indefessi, ne tum quidem sumpta quiete, quantum aquarum circum surgentibus iugis oritur, vertere in subiecta: mersaque humo, et obruto, quod effectum operis, duplicatus militi labor. Quadragesimum id stipendum Caecina parendi aut imperitandi habebat; secundarum ambiguarumque rerum sciens, eoque interritus. Igitur futura volvens, non aliud reperit, quam ut hostem silvis coerceret, donec saucii, quantumque gravioris agminis, anteirent. nam medio montium et paludem porrigebatur planities, quae tenuem aciem pateretur. Deliguntur legiones, quinta dextra lateri, unaetvicesima in laevum; primani ducendum ad agmen; vicecimamanus adversum secuturos.

LXV. Nox per diversa inquies: cum barbari festis epulis, laeto cantu aut truci sonore subiecta valuum ac resultantis saltus complerent; apud Romanos invalidi ignes, interruptae voces, atque ipsi passim adiacerent vallo, oberrarent tentoriis, insomnes magis quam pervigiles: ducemque terruit dira quies. nam Quintilium Varum, sanguine oblitum et paludibus emersum, cernere et audire visus est, velut vocantem, non tamen obsecutus, et manum intendentis repulisse. Coepta luce, missae in latera legiones, metu an contumacia, locum deseruere: capto prope re campo, humentia ultra. Neque tamen Arminius, quamquam libero incursu, statim prorupit: sed, ut

haesere coeno fossisque impedimenta, turbati circum milites, incertus signorum ordo, utque tali in tempore, sibi quisque properus et lentae adversum imperia aures, intrumpere Germanos iubet, clamitans, *En Varus, et eodem iterum fato victae legiones!* Simul haec, et cum delectis scindit agmen, equisque maxime vulnera ingerit: illi sanguine suo et lubrico paludum lapsantes, excussis rectoribus, disiicere obvios, proterere iacentes. plurimus circa aquilas labor, quae neque adversum ferri ingruentia tela, neque figi limosa humo poterant. Caecina, dum sustentat aciem, suffosso equo delapsus, circumveniebatur, ni prima legio sese opposuisset. iuvit hostium aviditas, omissa caede, praedam sectantium: enisaeque legiones, vesperascente die, in aperta et solida. Neque is miseriarum finis. struendum vallum, petendus agger: amissa magna ex parte, per quae egeritur humus, aut exciditur cespes: non tentoria manipulis, non fomenta sauciis: infectos coeno aut cruento cibos dividentes, funestas tenebras, et tot hominum milibus unum iam reliquum diem lamentabantur.

LXVI. Forte equus, abruptis vinculis vagus et clamore territus, quosdam occurrentium obturbavit. tanta inde consternatio, intrupisse Germanos credentium, ut cuncti ruerent ad portas: quarum decumana maxime petebatur, aversa hosti, et fugientibus tutior. Caecina, comperto, vanam esse formidinem, cum tamen neque auctoritate, neque precibus, ne manu quidem, obsistere aut retinere militem quiret, proiectus in limine portae, miseratione demum, quia per corpus legati eundum erat, clausit viam: simul tribuni et centuriones falsum pavorem docuerunt.

LXVII. Tunc contractos in principia, iussosque dicta cum silentio accipere, temporis ac necessitatis monet: *Vnam in armis salutem: sed ea consilio temperanda, manendumque intra vallum, donec expu-*

gnandi hostes spe, proprius succederent: mox undique erumpendum: illa eruptione ad Rhenum perveniri. quodsi fugerent, pluris silvas, profundas magis paludes, saevitiam hostium superesse; at victoribus decus, gloria: quae domi cara, quae in castris honesta, memorat: reticuit de adversis. Equos dehinc, orsus a suis, legatorum tribunorumque, nulla ambitione, fortissimo cuique bellatori tradit, ut hi, mox pedes, in hostem invaderent.

LXVIII. Haud minus inquies Germanus spe, cypidine, et diversis ducum sententiis agebat: Arminio, sinerent egredi, egressosque rursum per humida et impedita circumvenirent, suadente: atrociora Inguimero et laeta barbaris, ut vallum armis ambirent: promptam expugnationem, plures captivos, incorruptam praedam fore. Igitur orta die proruunt fossas, iniiciunt crates, summa valli prensant, raro super milite, et quasi ob metum defixo. postquam haesere munimentis, datur cohortibus signum, cornuaque ac tubae concinuere. exin clamore et impetu tergis Germanorum circumfunduntur, exprobantes, non hic silvas, nec paludes, sed aequis locis aequos deos. Hosti, facile excidium et paukos ac semermos cogitanti, sonus tubarum, fulgor armorum, quanto inopina, tanto maiora offunduntur: cadebantque, ut rebus secundis avidi, ita adversis incauti. Arminius integer, Inguimerus post grave vulnus, pugnam deseruere: vulgus trucidatum est, donec ira et dies permansit. Nocte demum reversae legiones, quamvis plus vulnerum, eadem ciborum egestas fatigaret, vim, sanitatem, copias, cuncta in victoria habuere.

LXIX. Pervaserat interim circumventi exercitus fama, et infesto Germanorum agmine Gallias peti: ae, ni Agrippina impositum Rheno pontem solvi prohibuisset, erant qui id flagitium formidine auderent. sed femina, ingens animi, munia ducis per eos dies

induit, militibusque, ut quis inops aut saucius, vester et fomenta dilargita est. Tradit C. Plinius, Germanicorum bellorum scriptor, stetisse apud principium pontis, laudes et grates reversis legionibus habentem. Id Tiberii animum altius penetravit: *non enim simplices eas curas, nec adversus externos militem quaeri. nihil relictum Imperatoribus, ubi femina manipulos intervisat, signa adeat, largitionem tentet; tamquam parum ambitiose filium ducis gregali habitu circumferat, Caesaremque Caligulam appellari velit.* potiorem iam apud exercitus Agrippinam, quam legatos, quam duces: compressam a muliere seditionem, cui nomen Principis obsistere non quiverit. Accendebat haec onerabatque Seianus, peritia morum Tiberii odia in longum iaciens, quae reconderet, auctaque promeret.

LXX. At Germanicus legionum, quas navibus vixerat, secundam et quartam decimam, itinere terrestri P. Vitellio ducendas tradit, quo levior classis vadoso mari innaret, vel reciproco sideret. Vitellius primum iter sicea humo aut modice adlabente aestu quietum habuit: mox impulsu aquilonis, simul sidere aequinoctii, quo maxime tumescit Oceanus, rapi agique agmen. et opplebantur terrae: eadem freto, litora, campis facies: neque discerni poterant incerta ab solidis, brevia a profundis. sternuntur fluctibus, hauriuntur gurgitibus iumenta, sarcinae: corpora ex anima interfluent, occursant. permiscentur inter se manipuli, modo pectore, modo ore tenus extantes, aliquando subtracto solo disiecti, aut obruti. Non vox et mutui hortatus iuvabant, adversante unda: nihil strenuus ab ignavo, sapiens ab imprudenti, consilia a casu differre: cuncta pari violentia involvabantur. Tandem Vitellius in editiora enitus, eodem agmen subduxit. pernoctavere sine utensilibus, sine igni, magna pars nudo aut mulcato corpore; haud

minus miserabiles, quam quos hostis circumcidet, quippe illis etiam honestae mortis usus: his inglorium exitium. Lux reddidit terram; penetratumque ad amnem Vnsingim, quo Caesar classe contenderat, impositae deinde legiones, vagante fama, submersas: nec fides salutis, antequam Caesarem exercitumque reducem videre.

LXXI. Iam Stertinius, ad accipiendum in deditione Segimerum, fratrem Segestis, praemissus, ipsum et filium eius in civitatem Vbiorum perduxerat. data utrique venia; facile Segimero, cunctantius filio, quia Quinctilii Vari corpus inlusisse dicebatur. Ceterum ad supplenda exercitus damna certavere Galliae, Hispaniae, Italia: quod cuique promptum, arma, equos, aurum, offerentes. quorum laudato studio Germanicus, armis modo et equis ad bellum sumptis, propria pecunia militem iuvit. utque cladis memoriam etiam comitate leniret, circumire saucios, facta singulorum extollere; vulnera intuens, alium spe, alium gloria, cunctos alloquio et cura, sibique et proelio firmabat.

LXXII. Decreta eo anno triumphalia insignia A. Caecinae, L. Apronio, C. Silio, ob res euri Germanico gestas, Nomen Patris patriae Tiberius, a populo saepius ingestum, repudiavit; neque in acta sua iurari, quamquam censente Senatu, permisit: *cuncta mortalium incerta; quantoque plus adeptus foret, tanto semagis in lubrico dictitans.* non tamen ideo faciebat fidem civilis animi. nam legem maiestatis reduxerat; cui nomen apud veteres idem, sed alia in iudicium veniebant: si quis proditione exercitum, aut plebem seditionibus, denique male gesta re publica maiestatem populi Romani minuisset. facta arguebantur, dicta impune erant. Primus Augustus cognitionem de famosis libellis, specie legis eius, tractavit, commotus Cassii Severi libidine, qua viros feminas.

que inlustres procacibus scriptis diffamaverat. mox Tiberius, consultante Pompeio Macro, Praetore, *an iudicia maiestatis redderentur? exercendas leges esse,* respondit. Hunc quoque asperavere carmina, inef-
tis auctoribus vulgata, in saevitiam superbiamque eius et discordem cum matre animum.

LXXIII. Haud pigebit referre in Falanio et Ru-
brio, modicis equitibus Romanis, praetentata crimi-
na: ut, quibus initis, quanta Tiberii arte, gravissi-
mum exitium inrepserit, dein repressum sit, postre-
mo arserit, cunctaque conripuerit, noscatur. Falanio
obiiciebat accusator, *quod inter cultores Augusti, qui per omnes domos, in modum collegiorum, habebantur, Cessum quendam, mimum corpore infamem, adscivisset: quodque, venditis hortis, statuam Augusti simul- nancipasset.* Rubrio criminis dabatur *violatum periurio numen Augusti.* Quae ubi Tiberio notuere, scri-
psit Consulibus: *non ideo decretum patri suo caelum, ut in perniciem civium is honor verteretur. Cassium histrionem solitum, inter alios eiusdem artis, interesse ludis, quos mater sua in memoriam Augusti sacrasset.* Nec contra religiones fieri, *quod effigies eius, ut alia numinum simulacula, venditionibus hortorum et domuum accendant.* *Iusiurandum perinde aestimandum, quam si Iorem sefellisset: deorum iniurias diis curae.*

LXXIV. Nec multo post, Granius Marcellum, Praetorem Bithyniae, Quaestor ipsius, Caepio Cri-
spinus, maiestatis postulavit, subscribente Romano Hispone: qui formam vitae iniit, quam postea cele-
brem miseriae temporum et audaciae hominum fece-
runt. nam egens, ignotus, inquietus, dum occultis libel-
lis saevitiae Principis adrepit, mox clarissimo cuique periculum facessit, potentiam apud unum, odium
apud omnes adeptus, dedit exemplum, quod securi,
ex pauperibus divites, ex contemptis metuendi, per-
niciem aliis ac postremum sibi invenere. Sed Mar-

cellum insimulabat, *sinistros de Tiberio sermones habuisse*: inevitabile crimen, cum ex moribus Principis foedissima quaeque deligeret accusator, obiectaretque reo: nam, quia vera erant, etiam dicta credebantur. Addidit Hispo, statuam *Marcelli altius quam Caesarum sitam*: et alia in statua, amputato capite *Augusti*, effigiem *Tiberii inditam*. ad quod exarsit adeo, ut, rupta taciturnitate, proclamaret, se quoque in ea causa laturum sententiam palam et iuratum: quo ceteris eadem necessitas fieret. Manebant etiam tum vestigia morientis libertatis. Igitur Cn. Piso, Quo, inquit, loco censem, Caesar? si primus, habebo quod sequar: si post omnes, vereor, ne imprudens dissentiam. Permotus his, quantoque incautius efferverat, poenitentia patiens tulit, absvoli reum criminibus maiestatis. de pecuniis repetundis ad recipera-tores itum est.

LXXV. Nec Patrum cognitionibus satiatus, iudi-ciis asidebat in cornu tribunalis, ne Praetorem eu-ruli depelleret, multaque eo coram adversus ambitu-m et potentium preces constituta. sed dum veritati consulitur, libertas corrumpebatur. Inter quae Pius Aurelius, Senator, questus, mole publicae viae ductu-que aquarum labefactas aedis suas, auxilium Patrum invocabat. resistantibus aerarii Praetoribus, subvenit Caesar, pretiumque aedium Aurelio tribuit, ero-gandae per honesta pecuniae cupiens: quam virtu-tem diu retinuit, cum ceteras exueret. Propertio Celere, Praetorio, veniam ordinis ob paupertatem petenti, decies sestertium largitus est, satis comper-to, paternas ei angustias esse. tentantis eadem alios probare caussam Senatu*r* iussit, cupidine severita-tis, in his etiam, quae rite faceret, acerbus. unde ce-teri silentium et paupertatem confessioni et beneficio p^{rae}posuere.

LXXVI. Eodem anno continuis imbris auctus

Tiberis plana urbis stagnaverat: relabentem secuta est aedificiorum et hominum strages. Igitur censuit Asinius Gallus, *ut libri Sibyllini adirentur*, renuit Tiberius, perinde divina humanaque obtegens. Sed remedium coērcendi fluminis Ateio Capitoni, et L. Arruntio mandatum. Achaiam ac Macedoniam, onera deprecantis, levari in praesens proconsulari imperio, tradique Caesari placuit. Edendis gladiatoriibus, quos Germanici fratrius ac suo nomine obtulerat, Drusus praesedit, quamquam vili sanguine nimis gaudens: quod vulgo formidolosum, et pater arguisse dicebatur. Cur abstinuerit spectaculo ipse, varie trahebant: alii taedio coetus, quidam tristitia ingenii, et metu comparationis, quia Augustus comiter interfuisset. Non crediderim, ad ostentandam saevitiam, movendasque populi offendiones, concessam filio materiem: quamquam id quoque dictum est.

LXXVII. At theatri licentia, proximo priore anno copta, gravius tum erupit, occisis non modo e plebe, sed militibus et centurione, vulnerato tribuno praetoriae cohortis, dum probra in magistratus et dissensionem vulgi prohibent. Actum de ea seditione apud Patres, dicebanturque sententiae, *ut Praetoribus ius virgarum in histriones esset*. intercessit Haterius Agrippa tribunus plebei, increpitusque est Asinii Galli oratione, silente Tiberio, qui ea simulaera libertatis Senatui praebebat. valuit tamen intercessio, quia divus Augustus *immunes verberum histriones* quoadam responderat, neque fas Tiberio, infringere dicta eius. De modo lucaris, et adversus lasciviam fautorum, multa decernuntur: ex quis maxime insignia: *ne domos pantomimorum Senator introiret*; *ne egredientis in publicum equites Romani cingerent*, aut alibi quam in theatro spectarentur; et *spectantium immodestiam exsilio multandi potestas Praetoribus fieret*.

LXXVIII. Templum ut in colonia Tarraconensi strueretur Augusto, potentibus Hispanis permisum; datumque in omnes provincias exemplum. Centesimam rerum venalium, post bella civilia institutam, deprecante populo, edixit Tiberius, *militare aerarium eo subsidio niti: simul imparem oneri rem publicam, nisi vicesimo militiae anno veterani dimitterentur.* ita proximae seditionis male consulta, quibus sedecim stipendiorum finem expresserant, abolita in posterum.

LXXIX. Actum deinde in Senatu ab Arruntio et Ateio, an ob moderandas Tiberis exundationes verterentur flumina et lacus, per quos augescit. auditaeque municipiorum et coloniarum legationes: orantibus Florentinis, *ne Clanis, solito alveo demotus, in amnum Arnum transferretur, idque ipsis perniciem adferret.* Congruentia his Interamnates disseruere: *pessum ituros fecundissimos Italiae campos, si amnis Nar (id enim parabatur) in rivos diductus, superstagnarisset.* Nec Reatini silebant, Velinum lacum, qua in Narem effunditur, obstrui recusantes: *quippe in adiacentia erupturum: optume rebus mortalium consuluisse naturam, quae sua ora fluminibus, suos cursus, utque originem, ita fines dederit: spectandas etiam religiones sociorum, qui sacra et lucos et aras patriis amnibus dicaverint.* quin ipsum Tiberim nolle, prorsus accolis fluviis orbatum, minore gloria fluere. Seu preces coloniarum, seu difficultas operum, sive supersticio valuit, ut in sententiam Pisonis concederetur, qui nil mutandum censuerat. Prorogatur Poppeo Sabino provincia Moesia, additis Achaia ac Macedonia.

LXXX. Id quoque morum Tiberii fuit, continua-
re imperia, ac plerosque ad finem vitae in iisdem
exercitibus aut iurisdictionibus habere. Caussae va-
riæ traduntur: alii *taedio novae curae semel placita*

pro aeternis servavisse; quidam invidia, ne plures fruerentur. sunt qui existiment, ut calidum eius ingenium, ita anxiū iudicium. neque enim eminentis virtutes sectabatur, et rursum vitia oderat: ex optimis periculum sibi, a pessimis dedecus publicum metuebat. qua haesitatione postremo eo provectus est, ut mandaverit quibusdam provincias, quos egredi urbe non erat passurus.

LXXXI. De comitiis consularibus, quae tum primum, illo principe, ac deinceps fuere, vix quidquam firmare ausim: adeo diversa non modo apud auctores, sed in ipsis orationibus reperiuntur. Modo, subtractis candidatorum nominibus, originem cuiusque et vitam et stipendia descripsit, ut, qui forent, intelligeretur: aliquando, ea quoque significatione subtracta, candidatos hortatus, ne ambitu comitia turbarent, suam ad id curam pollicitus est. plerumque eos tantum apud se professos, disseruit, quorum nomina Consulibus edidisset: posse et alios profiteri, si gratiae aut meritis confiderent. speciosa verbis, re inania, aut subdola; quantoque maiore libertatis imagine tegebantur, tanto eruptura ad infensius servitium.